



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13, 89/16 i 5/22) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2021. GODINU NARODNOG EVROPSKOG SAVEZA BOSNE I HERCEGOVINE

Broj: 03-07-6-395/22
Sarajevo, 26.12.2023. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	5

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Narodnog evropskog saveza Bosne i Hercegovine za 2021. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2021. godinu, utvrđeno je da je Narodni evropski savez Bosne i Hercegovine prekršio odredbe člana 12. stav (4) Zakona o finansiranju političkih stranaka.

Pregledom, odnosno kontrolom finansijskih izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Narodnog evropskog saveza Bosne i Hercegovine za 2021. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Narodni evropski savez Bosne i Hercegovine se finansirao iz sljedećih izvora:

R/B	Izvori finansiranja	Iznos	Struktura
		(KM)	(%)
1.	Članarina	1.165,00	7,03
2.	Prilozi fizičkih lica (3-a)	15.013,82	90,61
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	391,14	2,36
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	16.569,96	100,00
II	Ostali prihodi i drugo	0,00	0,00
	Izvori finansiranja (I+II)	16.569,96	100,00

U godišnjem finansijskom izvještaju stranka je iskazala rashode u ukupnom iznosu od 2.226,42 KM.

2. PREDSTAVLJANJE POLITIČKE STRANKE

Naziv političke stranke je Narodni evropski savez Bosne i Hercegovine. Skraćeni naziv stranke je NES BIH.

Politička stranka Narodni evropski savez Bosne i Hercegovine je registrovana kod Općinskog suda u Sarajevu, Rješenjem broj: 065-0-F1-21-000002 od 17.05.2021. godine.

Sjedište političke stranke je u Sarajevu, ulica Obala Kulina bana br. 24/2.

Lica ovlaštena za zastupanje stranke su Nermin OGREŠEVIĆ, predsjednik stranke i Ibrahim HADŽIBAJRIĆ, zamjenik predsjednika.

Lice ovlašteno za podnošenje finansijskih izvještaja za 2021. godinu je Muhamed Alić.

Prema podacima iz godišnjeg finansijskog izvještaja za 2021. godinu, organizacionu strukturu Narodnog evropskog saveza Bosne i Hercegovine čine:

- Centrala NES-a BiH,
- Glavni odbor NES-a BiH i
- 6 regionalnih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Narodnog evropskog saveza Bosne i Hercegovine za 2021. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Narodnog evropskog saveza Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja obavlja se prvi put.

5. NALAZI I PREPORUKE

5.1 NALAZI

Narodni evropski savez Bosne i Hercegovine je prekršio odredbe člana 12. stav (4) Zakona o finansiranju političkih stranaka.

Uvidom u dostavljene potvrde o primljenim priložima od fizičkih lica, koje je stranka dostavila u toku obavljanja pregleda utvrđeno je da na potvrdama nije naveden broj ličnog dokumenta. Takođe, na određenom broju potvrda nije navedena adresa fizičkog lica ili je navedena ista adresa (Cazin bb, Cazin).

S obzirom da politička stranka u potvrdama o primljenim priložima nije navela sve potrebne podatke, prekršila je odredbe člana 12. stav (4) Zakona o finansiranju političkih stranaka i člana 6. Pravilnika o godišnjim finansijskim izvještajima političkih stranaka.

5.2 PREPORUKE

Preporučuje se Narodnom evropskom savezu Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da sadržaj potvrde o primljenim priložima uskladi sa odredbama člana 6. Pravilnika o godišnjim finansijskim izvještajima političkih stranaka.*

KOMENTAR:

U ostavljenom roku, Narodni evropski savez Bosne i Hercegovine je dostavio odgovor na Preliminarni izvještaj o pregledu godišnjeg finansijskog izvještaja za 2021. godinu. Uz odgovor stranka je dostavila i ispravljeni obrazac 3-a (Prilozi fizičkih lica) godišnjeg finansijskog izvještaja, čime je otklonila nedostatke u popunjavanju finansijskog izvještaja.

Stranka se u svom očitovanju osvrnula na nalaz kojim je utvrđen prekršaj člana 6. Pravilnika o godišnjim finansijskim izvještajima političkih stranaka i dostavila urnek potvrde o primljenim priložima od fizičkih lica u kojoj su izvršene dopune podataka sa brojem lične karte i adrese prebivališta. S obzirom da se relevantna potvrda sa obaveznim elementima propisanim članom 6. Pravilnika izdaje u trenutku prijema članarine ili priloga, primjedba stranke nije uvažena.

Služba za reviziju je uvažila sve argumentovane primjedbe političke stranke, te je u tom dijelu korigovala nalaze revizije.

Šef Odsjeka za revizijske poslove

Sanja Tošović

Šef Službe za reviziju

Mr.sc Hasida Gušić

Pomoćnik revizora

Rijad Selmanović